

讀史雜詠


坤

津田文庫

文庫 1

1692

2



五十五卷本

田中氏

讀史雜詠卷下

つた文庫

水府 青山延壽 季卿著

右大將源公賴朝

公起於流徒不數年止平氏定奧羽握兵馬之權天下大勢自是一變以至今云

佐公梟雄姿夙抱興復志遵養時未至深戢凌雲翅相國已老去長公亦殄瘁兒子皆豚犬雄心誰能制一朝得雲雨投袂起海裔八州咸草偃奔走供僕使戲下萬猛士桓如帟豨吳鑣倉開霸府山海壯形勢豈意大原孽如此更昌熾相國葬無處我頭安可致



讀史雜詠

卷下

十一

九郎亦雄傑來會浮島地友愛情可掬感泣灑涕泗
今日吾見弟猶視故先帥將壇真得人忽託西討議
一戰摧木曾再戰拔赤幟區宇戡定功半出九郎智
高枕曾幾日排擯無不至日夕奉北難不覺老狐魅
浮島亦在彼英雄何多事當日公記否欲問浮島淚

判官源義經

義經用兵如神為兄賴朝所忌措身無地終請宣
旨討兄事不就出奔奥州

九郎精悍姿逸氣四海橫援桴臨元戎萬馬肅無聲
鷓首衝風濤鐵蹄下絕壁鷓鴣入鴉群勁疾誰敢敵

1692-2

忍盧云自是
至理之語不
第源九郎

機園云起建
尉於九原問
之吾知其必
無辭

七匝謝枯骨可慰九泉親宿昔掃蕩志一朝已得伸
功成身不退古來多招咎貝錦知誰恨困阨公自取
願公明哲質見幾一何遲乃兄奉天授公命實數奇
閱鬪非佳事明知力難格請教終何為此舉為公惜

佐々木四郎高綱

賴朝杉山之難謂高綱曰吾得天下必與其半賴
朝得志以為七國守護高綱以賞薄去入高野山
龍虎爭鬪日奮躍迭競雄浩蕩宇治水晴波漲長空
四郎俠烈士疾馳噴玉驄颯沓亂層浪鞭影碎輕紅
萬人皆辟易頓策先登功還來不受賞飄然學赤松

樓園云四郎
之心千載之
下唯我李卿
知之

君非貪人類賞薄豈介胸源公本鳥喙安可共始終
昆季猶不有逸足豈能容智士炳幾先獨往托冥鴻

畠山次郎重忠

重忠勇武絕人天資敦厚有功不伐為北條氏所
忌及於禍

源公龍興日豨帟供驅馳就中誰尤秀秩父平莊司
雄毅如杵楮無復虎侯癡元勳追韓彭還見謙讓姿
為惜忠勇人遭逢多難時及側本無跡竟貽夷族悲

木曾二烈士

越後中太能景
津波田二郎

義仲宇治之敗戀藤原氏不能去中太曰敵已迫

矣何眷眷一女子邪吾不忍見主公之厄潰腹而
死二郎亦諫而死

東天海氛惡牛斗兵氣橫主將耽宮艷營酗病如醒
三軍氣已衰一戰失旆鉦何如疾歸去早據北越城
而今醉未醒刺刺戀舜英忠哉二壯士不忍家國傾
屠腹志何烈欲開主將首古聞有比干今見龍逢誠
咄嗟旭將軍鹵莽寧須評可憐麾下士一一忠貞
霸畜悵已矣空留烈士名

韋繪

韋繪義仲妾也美而勇屢立戰功義仲之敗東兵

續史雜錄

卷下

七

忍廬云韜姬
血戰之狀摸
來生動

內田某來迫某稱力無六十夫韜繪搏斬之
百戰時不利四面皆敵旗蹀躞雖不逝勢去誰能支
帳下餘七騎中有一紅姬烏帽垂紫綫跨馬揚翠眉
東軍田勇士敢稱八州魁維姬無尺鐵奔突攪重圍
萬眾皆披靡相搏力如熊提來血鬪髓銀鞍紅淋漓
一軍為吐氣不類虞姬悲將軍獨漂泣還似楚歌時
誰言巾幗怯見此忠勇姿豈知太平日士氣皆蕭萎
巾幗寧論勇丈夫如女兒

靜 微妙

二女皆妓也靜為義經妾義經之亡賴朝召問之

又強命舞乃歌離別曲人皆垂泣微妙幼時父遭
讒遠竄及長思慕不已訴之鎌倉父既死終為尼
主君命何奇飄蕩逼危愒急難不相拯昆季迭凌軋
妾也可奈何溪山獨泣血舉頭不見君空見芳野雪
二位真無情舞袖促一闋楊柳春已回妾髮為誰櫛
舉衣強一唱語語何悽切座上壯席士感愴為心折
妾心實懇懇豈為思久別吾君非同根相煎何慘烈
妙也亦絕倫夙抱曾子節終天慕其父冰霜爭清潔
曾聞幽閑女配作君子室誰知妓女流見此人中傑

曾我兄弟

十郎祐成
五郎時宗

祐成祖祐親以嫡見廢其叔某以庶繼宗故兩家相惡叔子為祐經祐親凌暴之祐經恨之竊殺其子祐泰即祐成父也故祐成殺祐經報父讐

歎啁禽鳥微猶有父子愛兒也獨何者無爺誰所致慈母撫兒髮掩袂暗灑淚爺仇負君寵出入挾輕騎唯恐驅羝羊空餒饑帟餌結髮成壯士瞋怒血盈眦孤劍長在懷或來仇人忌沈酒耽女兒日醉娼家膩源公獵富野時乎難再值結束赴獵場徘徊為潛伺炬火忽相誘照徹仇人睡震電助英威風雨鳴高誼爺恨已報矣萬段兒不懟孝烈雖足賞仇本非異類

骨肉相鼎俎元是非美事予賦二子詩感愴三致意禍根稔已久二子何可議寄語同宗人慎勿爭寵利

鎮守將軍藤原秀衡

秀衡年老憂子孫不堪負荷遺命推義經為大將舉國委之泰衡不從及於此獨忠衡守父命不屈鎮府百年業雄風振河朔老成推此公威稜誰敢觸所恨天奪年後事誰可屬輾轉不能寐中夜思煩促何料源公子崎嶇再托宿驚喜出意外奉戴如州牧緩急實可倚丁寧囑伯叔佐公已得隴一日豈忘蜀

虎豹在山林藜藿為不食老將眼如炬洞觀佐公腹

明善云論曹我及此可謂有識矣

忍虜云豚犬誤國古今同

昆季何憤憤。一舉致顛覆。平泉草色青。荒臺遊麋鹿。乃公死不瞑。九泉堪慟哭。三郎較可語。死執父遺囑。

藤家二士

由利維平
大河兼任

秦衡之亡。維平為虜。辭氣不屈。賴朝愛其勇。釋為家人。兼任之亂。死之。兼任言曰。報父仇者有之。未聞復主仇。今始自我。即起兵。軍敗死之。

一鞭投隈川。百郡咸逃避。堂堂追捕公。涉險如平地。平也出。虜意氣何雄。鷲談笑。捋虜鬚。不用干將利。任也亦壯士。一呼豎赤幟。君辱臣當死。報國敢有貳。於彼廼頑民。於我是臣誼。藤家兩壯士。孰軒孰是輕。

平也壯則壯。遂貪追捕餌。一死雖報知。不為勇士累。任也雖真頑。糾合本臣義。寧為頑民死。事君莫有二。

相模守北條時賴

時賴解執權職後。陽為遊僧。行郡國。問吏民冤枉。隨而黜陟之。由是守宰人人自勵。風化大行。

維民之蚩蚩。無主廼及側。偉茲北條公。早知過。蟲賊撫字是家法。視民何懇惻。獎擢用清吏。勤儉先百辟。猶恐遐陬鄉。小民或失職。盛年抽簪冕。雲遊托飛錫。偶至難波津。投宿路旁宅。中有一老尼。拮据辨客食。敲石力不堪。顏帶顛悴色。問尼本何人。來住此。偏仄。

老尼慘垂泣殷勤說來歷家本食此鄉出入憑華軾
失天曾無幾又丁冢子盛零落無所倚鄉豪故傾逼
餘喘又幾日纔計朝與夕誰知座上僧曾執天下直
僧去席未寒沈寃已別白看彼老蕭公捨身何所托
功德終奈何金甌付一擲

相模太郎時宗

文永中元使來時宗不受已而元掠我西鄙再使
責我朝貢時宗斬之元大舉來寇時宗擊殲之
神后舉鷄林威風振百世阿曇守北門捷伐遠醜類
振古盛如茲誰不仰 日嗣必烈汝何物彘願我瑞

樓園云鈞之
信佛而一治
一亂如此蓋
其存心之異
乃爾

穗虜掠亂我邊虛喝召我使太郎真男子見之瞋裂
昔出師罪可問方建西征議幸彼自送死來寇邊海
地我有萬猛士赤拳帛可斃况是何么麼不用我刀
利風雷供驅使拂盡腥膻氣萬艦終何在渺渺海波
翠太郎小豎子猶了此大事堂堂細戈邦神鋒誰
肯試阿墨何為者又嚴胡元智斯人不可起九原令
予思

青砥左衛門藤綱

藤綱仕時賴斷獄平允夜行墜十錢於水五十錢
買炬燭水撈之曰五十錢吾失人得十錢誰得之

忍廬云近時
驕教自喜者
動以相模太
郎為口實
嘗謂有鎌倉
之政而當有
鎌倉之舉不
然則橫磨大
劍之語徒托
大禍而已

源公勦霸業，爭推舉旗績。公伯出推埋，寧知有典籍。
 矯矯青砥公，天賦一何直。片言決冤枉，綽有循良迹。
 惟茲六十錢，吾失人亦得。木強誰辨此，知公有學殖。
 當日何所講，臨風想遺式。

中納言藤公藤房

建武中，帝已誅高時，稍倦於政。武夫思亂，藤房
 驟諫不聽，曰：「為臣之道盡矣，去入北山，不知所以終。」
 偉哉楠河州，孤軍摧妖兇。氣類雖或異，藤公亦英雄。
 南朝推偉人，孰若茲兩公。一知言不用，必致招禍凶。
 一知策不行，必至賊內訌。建武用公言，四海長朝宗。

樓園云：擾
 功利世界，忽
 出此萬物一
 體之言，非有
 學殖安能至
 此

延元行公策，奸賊足折衝。已失二大機，何以治寰中。
 偉人鑒幾先，前後一何同。一去而一死，南狩事忽忽。
 善哉先公史，特書發群蒙。二公去就先公揭書本紀
 中以見中興之不終云

准后源公親房

公深嘆中興不終，著正統記揭皇統於已微，而
 公所據小田關二城在我常南，第址猶存。
 橋山埋弓劍，輔弼亦珍賴。何人奉顧命，維持皇運季。
 皇天遺茲老，經營王家事。入贊廟廊議，出當藩幹。
 寄想見圍城中，慷慨論機誼。披瀝露肝腸，欲發嗣子
 蔽。嗣子何狗鼠，一忘乃公志。王畜日窮蹙，豺狼爾橫

恣宇宙如長夜，孰辨真與偽。老臣傷肺肝，聊擬麟經
義。明目揭正統，挽回王風墜。三綱極橫流，萬古驚老
魅。嗟公驅馳處，邇在我常地。至今欠憑弔，頗負景慕
意。嗣子結城親朝也

贈左中將楠公正成

公首唱大義，以孤城當賊衝。中興之業，以公之功
為第一云。

三帝狩窮島，四海同傷悲。天道有報復，恢濟寧無期。
歲周一甲子，公實生皇畿。狂獬藉積威，驅使萬虜馳。
腥氣遍寰宇，黼坐知何移。南木入帝夢，伯仲見皋

伊行間受付託，獨立不敢疑。立談定大策，畫地期平
夷。苟若臣而在，不必勞聖懷。一呼唱大義，隻手支
傾頽。英豪爭踴躍，趨走供驅馳。鯨鯢終一掃，忽使氛
霧披。偉哉公一言，燭照侷著龜。微公濟世策，誰仰大
陽輝。奉盈古有規，奈何安忘危。醜毒實自招，王途奈
岠崎。大福不再來，痛悔猶莫追。國論况回適，臣策亦
安施。小人勿用矣，夙已見神著。偏安亦天意，萬古付
長嘯。先公將相資，隔代是同儕。宿昔感公忠，曾表一
片碑。微臣懷趨瞻，匍繫拜無時。感慨賦此篇，空望天
一涯。

小楠公正行

正行嘗朝吉野路遭高師直誘宮女遣卒迎之正行奪還以聞後村上帝即賜之正行辭以歌乃公百代人神功排冥濛小公英且勇不墜乃公忠馬革常在懷恐先朝露終薜英誰不戀公腸鐵石同歌詠表宿志芊綿有古風淫雨亂菖蒲老眼奈朦朧誰知源三位輸此小楠公

櫻園云三位歎老嗟卑之意見於歌詠不一而其輸小楠公不啻此一事

楠母

正成之死正行悲哀欲自殺母抱止之正行終克合義旅以敵王愾此母訓誨之力也

人道楠河州可追諸葛忠諸葛擇匹偶阿承是婦翁翁子元不凡巧思奪天工木牛與流馬內助與有功楠母育遺孤懇懇見善誘果然獅子兒他日任擔負此母明而敏何減諸葛婦孔明室有巧思或云木牛流馬蓋亦有所本

左中將新田公義貞

公奉護良王令誅高時尊氏之反受詔征討不利死之後百餘年支族大興世以為公之遺烈獅子亂天紀王討真難容是我左中將勤王效孤忠投劍退海若斬鯨安宸衷百年盤踞地勦定轉盼中昊天一不備又降此罪罟皇家再板蕩長蛇吞

寰宇公又擁鼓鐸征討無寧處天定真無期王氣日
 消沮間關奉東儲崎嶇趨北陸旌旆黯無色霜雪劍
 生衣朔風透箭瘢駁瘵膚如龜萬苦臣不厭所恨托
 孤羞前將一旅衆殲彼滔天賊今藉皇家威却屈
 此小慝獨木支大厦非云事必克臣唯盡臣義鞠躬
 死乃息才盛推源家其疵亦難劓木曾既妄庸鬼武
 還陰險况彼昆與季悖逆超古今歷觀同族者誰似
 公小心昆李尊氏兄弟也

伯耆守名和長年

後醍醐帝出隱岐幸伯耆長年舉族擁衛侍御不

驚車駕再歸闕者長年之功居多

巨川失舟楫何以得利涉朕有一長年實是巨川楫
 勿卒受顧托頌見風雲合揭竿糾義旅俄頃奏奇捷
 三木與一草元勳誰得及前若無斯人殆同蕪木急
 諸公雖或勞寧仰中興業北國之役皇太子脫金崎之難舟達蕪木浦浦人叛終為尊氏所鳩

備後三郎高德

高時遷皇駕高德欲奪駕舉義要之舟阪山駕
 轉出別道乃沒間道趨之亦不及而止

三郎仁人勇奮身禦傾危回鑿謀不遂崎嶇事即奇

天莫空句踐時非無范蠡誰知風騷將從容任驅馳
不似江家兒抱才誤所施朱紫苟不別何以讀書為

江家兒
廣元也

上野介結城宗廣

宗廣病將死曰我年七十死無所恨但不見滅賊
是為恨囑子親朝速斬賊首懸之吾墓子九郎親
光驍勇詐降尊氏欲刺之不就死之

華髮戴兜鍪終年就師律眼中無豺虎意氣何鬱勃
風節夙所持百折志不屈瀕死猶激昂遺命知何述
不用誦竺經不用供僧佛斬賊懸我墳挂劔義始訖

屬纊爾屈強堪見此老質九郎真吾子忠肝貫白日
事雖同荆聶大義寧彼匹

村上義光父子

護良親王舉事瀕危者數不死者有義光父子也
王之被幽親臣亦皆為帝所殺故其死無一人
出死力救之者矣

山河氣鬱盤一門鍾忠烈崎嶇從我王日夜竭臣節
維父與茲子捍衛同濺血我王苟得脫何願身屠裂
精誠皎如霜終返天日沒婦言忽相煽王亦逢危懼
瓜蔓及摯御何人相竭蹶冤魂結不散空思二子烈

瓜生母

瓜生兄弟奉脇屋義治以里見時成為將援金崎為賊所破一軍失氣母神色自若為義治起行酒南風日不競誰能敵王愾南有金剛壘西有肥後寨元帥困北越日夕望後繼此母有五兒寔是忠豪萃糾集擁主帥誓解圍城悴眾寡不相當中道致一躓孤嫗迎脫卒號哭聲震地滿城色如灰注注懷攜賣老嫗獨何事泰然無憂悸再拜謁郎君意氣何慷慨兒曹不努力一戰失地利主帥不生還深違郎君寄二兒幸徇之妾也心少慰妾家為郎君誓天舉大義

苟得猶賊平兒沒何為意所喜三兒存再舉猶可議語畢為郎君起舞行杯觴敗卒皆激昂一消疲蒸氣皇運逢陽九誰不懷向背此母終不渝夷險見一致楠家與菊池實當西南寄誰念一老嫗馳騁共同轡

中納言藤原邦光

高時令本間某殺父資朝邦光聞之間行至佐渡訣別某不聽見父邦光憤殺某亡還時年十三襁褓別阿爺不記阿爺面一見爺溫容萬死兒不恨何事咫尺間相隔侷秦越冒險千里來豈為見白骨此恨苟不報兒何以生為苦雨灑屋角偏添兒涕洒

夜深闕彼寢孤燈耿寤紙突然觸彼眠柔拳恐難抵
躊躇費安排穴窗縱飛蟲燈火忽掩影軒聲響逢逢
就奪奪彼刃直向彼吭擬一蹴攪彼眠彼起刃洞髓
家人睡初覺熱炬照簾帷主人已浪倒殷血空淋漓
賊是誰所為斑斑印紅蹠蹠小知阿新搜別窮罅隙
阿新無羽翮郎外有溝渠彼豈能飛去真是釜中魚
何知阿新慧遠出荆鼎上猴攀綠脩竹虹偃踰屏障
竟能脫網罟去為 王朝良義風凜如霜千歲有光
芒

肥後守菊地武光

正平十四年少貳賴尚以兵六萬來寇武光奉懷
良親王擊大破之西南官軍復振

北越將星殞中軍失輝光南木亦憔悴朝氣轉淒涼
一日燿一日令人氣填腔讀至西肥事不覺吾眼明
菊家十五龍超脫推十郎八千勒精銳主帥是懷良
前軍少不振見之鬚髯張大呼進陷陳礮磕動穹蒼
河流壯軍聲白日添劍芒滿身都是膽跳盪誰相當
一噓炎燼氣吐為萬丈光英爽五百歲於今凜秋霜
酌酒亦自酌不知引數觴何啻強人意萬古扶綱常
五郎左衛門楠光正

光正削髮匿南都欲刺將軍義教事覺就縛後容作詩歌以死云義教後為其臣滿祐所弑

五郎俠烈士不恥楠家息同宗皆漸滅剛山空斬前願七生人間必殲此國賊此是乃祖志今日誰戮力念此氣滿膺裂眼窺仇敵彼方握大柄出入秉干鉞混迹緇流中漂漂無所適小爵抵蒼鷹不恠毛血漑豫讓劍空刺子房椎徒擊從容赴黃泉長歌何烈激君死有神靈假手老鬼蜮鷄羽舞未闕孤劍已橫臆

太田資長

資長上杉氏世臣好學有籌略輔扇谷威名震東

國曾得吉夢乃築江戸城居焉即今大城也

賢人受重寄寇攘遠屏迹已把濟時才又見風流伯月露入胸脾咳唾盡成珠四疆仰文風兆庶望來蘓人和家亦給須擇形勝地夢卜得天險剪棘開府治百年狐兔窟一朝為金湯登眺亦壯哉佳麗甲一方東南枕巨浸沃野西北列門對品川船窗含芙蓉雪誰料百年後終為八洲都萬井歌吹沸樓閣鬱星鋪君看真人夢先見同著蔡樗里智囊小何及規模大當年詩人語品評折秋毫景仰今猶昔長與富山高

北條早雲

楓灣云余曾草資長略傳願窮其事蹟而論贊中拂入詩人語今李卿既已用

之所見不期
而相合可謂
奇矣

早雲嘗謂今諸源稍衰平氏當興也又夢二大杉木為一鼠所噬仆卜人曰是公克而上杉兆也白旗已凋卷平宗氣當舒英豪志眼別乘除機已覩嗟此兩管領內自相脅驅蚌鷸勢不解終來旁人狙鼠子視英豪何知鼠化貙看彼老杉木不惟遭吞屠况又孫與子克繼乃翁謨果然八州地竟為我版圖偉哉早雲氏貽厥見遠模不似機山翁身死延忽諸

陸奧守毛利元就

陶晴賢弑其主大内氏元就奏朝廷以討之賊大舉來犯因擊殲之元就大江氏好和歌

妖氛纏寰宇大陽失光耀若無英豪起何以持風教老猾負智力哮噉四騰躡萬艦擣孤島殺氣迸海徼四鄰相環視惕息失其魄豈知英雄胸夙已有成策三軍勝敗機元在辨曲直上奏受皇命大義鳴悖逆鷄首夜衝浪鐵騎曉斫營天地扶兵威風雷換鼓鉦帟狼皆蝟縮芟斫音無聲吁嗟討逆功片時致削平賊子膽正落王綱賴以樹七道稱義舉十州歸鎮撫念公措紳後豹韜任旗鼓儒雅有典刑無乃類乃祖

中納言小早川隆景

公元就第三子，出冒小早川氏。大閤時封筑前，就國傾心綏緝，創建齋舍，繕脩神祠，闔境大悅。

靈芝不虛生，景星有時明。嗚呼早川公，寔是人中英。眉目明而秀，風度恢且宏。汪汪千頃陂，撓之無濁清。又譬崑山玉，溫潤含晶瑩。公本清廟器，誤是事鼓鉦。壯歲輔乃公，一戰梟鯢鯨。中立挾孺子，驟推上國兵。暮年西征日，壯氣吞韓京。叱咤走風霆，英聲塞寰瀛。此是世所稱，未悉公平生。建學拯頽俗，絃誦聲琤琮。尊神新祠宇，謀慮何崢嶸。百世聞公風，感慨淚欲橫。霜臺上杉謙信

忍庵云竹山翁脩遠文學近代英雄為侯振屈第一指實可謂文武全才斯數句非溢美也

謙信善用兵，迅速如神。所向無前，敵國畏之如虎。旁涉文藝，軍營之作，世以為絕唱云。

精金生越北，驥騏出山東。果然遐陬地，又見生神龍。秀骨象山嶽，萬里敞秋空。垂髫已老成，志氣排冥濛。緩服跨飛黃，貫穿萬象中。迅速如鷲鷂，摧陷無衝鋒。薄險本非勇，暴寡豈我衷。仗義奉寓侯，收兵避頑童。摧強與扶弱，此公一世終。繫茲機山翁，曾稱一時雄。越馬或南飲，狼狽鹿遇熊。祈死真上策，老物智亦窮。矯矯八州豪，視公如蠶墜。旌旆下越嶺，脅息無地容。有時凝遐想，高興動蒼穹。抱彼鐵石腸，騁此錦繡胸。

樓園云萬古
凜清風五字
實為不識公
佳贊

橫梁賦詩者古來推曹公。公豈狐媚徒。萬古凜清風。

右府織田公信長

室町氏衰海內分裂。公削平禍亂。崇皇室。起廢典。章章可紀。大閣出部下。繼其志。一海內云。

中洲解皇綱。四海氛霧黑。群豪裂其土。搏噬迭起踣。江家跨關西。杉氏擁越北。韭山將甲府。傑視分東國。豺狼又縱橫。京圻為榛棘。不有真人興。誰能掃氛慝。相公出華胄。英資何挺特。撫摩安黔黎。討擊定發賊。感激奉帝詔。山嶽增氣色。一戰攘元兇。再駕走鬼蜮。孽臣與姦驕。次第皆殄熄。廓氛對大清。排霧覩白日。

日上都神明。隕重見。皇家則英謨。泣鬼神。勳庸流社稷。遺恨養梟子。中塗遭薄蝕。相公雖已矣。後人受遺式。王塗不崎嶇。皞皞仰帝力。宇宙開闢功。誰及公大德。

平手政秀

右府少好任俠。政秀數諫。後為書自殺。曰。君納臣言。雖死如生。右府常曰。吾有今日。政秀之功也。鬱彼生民。秀華嶽靈氣。鍾一朝。受付托。蹇蹇見匪躬。讜言犯主。顏難奈。頑如聾也。知非常主。常套難發。矇所以學史。魚峻節。凌蒼穹。英主果開悟。竟為寰中雄。

丹青宗社勳，遠勝先登功。鴻毛一死輕，英名千載隆。
曾讀君遺言，治體何貫通。未見戰國人，學殖似此翁。
乃孫頗抗直，一時推儒宗。學術雖不醇，知有君遺風。
大宰德夫政秀之後也

山中鹿介幸盛

幸盛仕尼子氏，尼子為毛利，所以幸盛擁遺孤，舉
兵羽柴氏討毛利，幸盛為守上月城，城陷死之。
古聞報父仇，未見復君讎。今我為此舉，君臣義始酬。
君亦兼任徒，志概元罕儔。糾集奉悖孤，獨力迴萬牛。
彼乘興運後，百戰振謀猷。我如轍中鱗，孤城苦幽囚。

虞淵光難迴，百折志未休。嗟此忠勇士，佐以豐公籌。
舉趾無遺策，不得復一州。始知天所棄，人力終難收。

戶次鑑連

鑑連大友氏世臣，後稱道雪，病跛，每戰乘輿，麾衆
忠鯁敢言，大友氏不能用，其國日蹙，有高橋紹運
者，與道雪齊名，大友氏不失國者，二人之力也，又
有入田親真者，以諫死。

善戰類孫吳，所向無勁敵。誰知老跛翁，却堪棟梁職。
豐帥元麤暴，不辨白與黑。奇衮奉妖教，侮慢瀆神
國。兆黎內離叛，版宇日蕩折。老臣心獨苦，欲展匡救

力忠言借涕灑不解主公惑區區天一阪孰失孰為
得所愛多奇士猶能支傾仄况又道雪氏實資文武
德其主雖可唾其忠何可泐未聞褒鄂徒更有王魏
績褒公鄂公
王珪魏徵

太閤豐臣公秀吉

公起下位佐織田公明智之亂一戰誅之西征東
伐海內歸於一而征韓之役亦軒轟可驚云
太陽光所臨我旌旄所至五方與八極何土非我地
若非金烏精誰有此心志一朝風雲會指顧掃宇彗
擎來扶桑日萬里排陰曠八洲屈强者蒲伏爭委贄

志盧云豐公
鷄林之役英
略實震半宇
內長絕胡虜
觀誠為至論

雄番猶未已緬念王朝懿
王朝昔全盛風化遐
域被一自皇風歇誰知域外事維公捷伐餘欲振
皇典墜偏師馳鷄林颯沓風雨厲鐵騎朝航海鴨綠
夕按轡如何用俊豎和議誤大計惜哉十萬師來往
似兒戲七道空瘡痍竟為豐家累所以小兒輩紛紛
致訾議豈知英雄心不為一時利一勞而久逸其功
何可置後代實藉斯長絕胡虜觀

飛驒守蒲生氏鄉

飛州少時織田公一見為英物以女妻之飛州雄
傑有大志小人從而媒孽之其死蓋非良死云

英雄明藻鑑，夙已辨真龍。是我好佳婿，可配阿孃容。
 後來果蕲絕，宛如百鍊鋒。光世新發矟，稜稜凌白虹。
 權奇多英略，真能類婦翁。塞垣風塵起，馳驅叱鐵駝。
 孤軍入虜地，忽逢風雪衝。意氣益飛揚，奮疾似驚鴻。
 長絕北顧患，頓策平定功。才高來忌冒，終爾招禍凶。
 垂沒名花詠，從容氣更雄。古來英敵人，不見克有終。
 大塔負奇冤，判官苦飄蓬。尤物多薄命，君莫恨狂風。

肥後守加藤清正

征韓之役，肥州向咸鏡道轉，北至兀良哈，縛王子，
 望富嶽於天南，晚讀論語，深感託孤寄命之章云。

按國云趙晉
 為久不免後
 賢嘗議與我
 髯將軍忠悃
 報主何嘗實
 壤

大閤箠八荒，驅使皆驥馱。就中髯將軍，超騰推逸足。
 長驚鷄林西，轉鬪趨河朔。穴處擬大古，野食交鷄肉。
 赤手縛庖子，信義感異俗。懸軍一何遐，天南仰富嶽。
 再征據孤壘，明軍皆挫衄。歸來聚樂城，遺弓寄望哭。
 忽收韜鈴畧，還就聖賢學。服膺子輿語，鞠躬支傾覆。
 真成社稷臣，不復絳灌屬。可憐趙家相，魯論夙寓目。
 遺孤知安在，半生枉講讀。

天野三郎兵衛康景

康景邑有人，攘竹卒斫之。盜者誣訴於官，官判卒
 當斬，康景曰：殺盜，天下通法，若為罪，吾請坐之。

舐痔冀重賞，解子投其嗜。澆俗無特操，叔世競寵利。
 逢迎或不得，傾險何所至。吾見野夫子，素無肥遯志。
 曾執翹材柄，陳力當重寄。一朝逢巧言，進退實無地。
 臣欲伸臣誼，公法或失墜。臣欲伸公法，無辜負罪累。
 所以萬戶侯，遺棄如脫屣。雖跡涉稿激，本為一夫悴。
 丹衷實炳如，合契聖賢懿。吁嗟衰菴日，詎得有此事。
 始信陶唐世，下有巢許類。

忍盧云三郎
 峻節史氏不
 可不稱譽

伊賀守板倉勝重

勝重為京尹，時大阪未亾，人情危懼，勝重綏撫得
 宜，民懷其德，仰之如父母。年老薦子重宗，自代重

宗克繼其緒，民敬之如神。重宗弟之子重矩，亦為
 京尹，沒後，民思其德，以至祀之云。

關左開大府，濟濟富輔。翊倉侯維異才，出居具瞻職。
 獠子方嘯聚，輦下多奸慝。施為中機宜，從容定反側。
 聽斷實如神，姦盜皆屏息。令行吏難欺，政簡民易擇。
 千里已安帖，不用搏擊力。仁風周上都，美譽布東域。
 令子克幹蠱，不辱乃父識。大倉與小倉，後先迭暉奕。
 乃孫雜儒雅，清操欺水蘖。一門延三世，擢擢司神闕。
 古來無此奇，於今推大德。願借歐馬筆，細寫循良績。

惺窩藤原肅 羅山林信勝

東照公數召肅講書本邦學者崇信程朱以肅為始信勝事公出入帷幄參贊密勿多所補益馬上得天下寧可馬上治真人經綸日夢寐求碩師藤子乃崛起一時推表儀學術窺天人際會興文時燕間受清願妙語剖毫釐林子接踵起參贊侍幄帷獨任振絕學四海文教熙吁嗟百年間生才何超竒先鞭推二子千古日星垂瓣香仰哲人遐蹤卓難追

忍盧云纔十
字寫出惺惺
先生學術深
邃之狀

讀史雜詠卷下終

附錄

日本武皇子廟 并序

我常陸係皇子東征所嘗經營水戶城東南里許有廟曰吉田社以為府下之鎮即常陸二十八社之一也華表旁有小阜俗呼曰三角山傳云皇子菱憩之地至今人皆敬憚無敢登涉者云

王家經營日四方皆招綏蠢蠢東北陬狂狼難羈縻蝦人尤兇囂其性如梟鴟狺狺相嘯呼披猖負嶮巖涉山疾度鳥走嶮如驚麋駸駸犯版籍王民咸怨咨皇天眷我皇神人出宗支垂髻已英武西討攄神

言史新言 陸金
規靖定曾幾日復勞東征師征師正烈烈其鋒誰肯
支王武赫如震胡虜皆懾祇神略本無敵何用血戰
威稚耄擁道路歡忻觀天儀尊壺迎王卒玄黃拜神
旗率土皆王臣萬國歸緝熙我州雖遐遠曾駐皇子
驪高林鬱蒼蒼空翠撲人肌此地曾芟憇崇奉建廟
祀棟宇仰盛勳春秋薦馨粢臨風灑感淚欲賦送迎
辭

大織冠藤公祠

丁未南
遊作

常陸鹿嶋郡有小祠相傳公所生處也大鏡簾中
抄皆云公常陸人據此土人所傳或可取信云

忍盧云洋雄
幽擊

東湖云使以
不覺正襟危
坐

寶祚垂千年威稜冠萬國興衰迭推遷不免生鬼域
一帝兼一王憂辱使人測誰料常陽陬生此伊周匹
一朝逢聖主魚水兩相得料知擎履手已箴回天
力談笑運廟謀俄頃平老賊青天拂雲翳日月免薄
蝕興文見碩師制禮由絕識偉哉中興業千載輝日
域鄉人慕公賢奉祀北浦側春秋薦蘋藻公神或還
食我亦同州人無奈今古隔讀書或庶幾夙昔仰遺
式來拜仲夏望喬木晝昏黑猶疑英靈在凜覺清風
逼

菅公祠

水戶城之西里許祀宇佐宮以為府下之鎮宮傍有祠祠公焉

喬木森參天濕翠滴瑞籬深沈先皇廟巍巍仰飛
檉傍有數株梅粲粲蔽古祠云是祀管相肅拜陳巴
辭皇家昔不振勲戚多專制聖主內憂勞宵旰
思救弊維聖實知賢雲龍仰神契爰立以為相出入
司獻替大旱得秋霖舟楫濟巨川夙夜熙帝載蹇
蹇瀝忠肝貧人繁有徒羅織實多端休烈未泯洽竟
折凌雲翰榮枯本小事公豈敢介意誰知公出處還
關道否泰災變本偶然托公亦公議感悟誰道晚猶

慰萬人思志雖屈往日道則伸千祺生為一代宗沒
作百世師美名垂宇宙香火遍邊陲煥乎韞天皇
文教輝日域公生千載後樂育推學殖斯文不墜地
實由相公力配享出自然蘋藻酬大德威稜共赫赫
長護詩書國

丁未南遊汎浪逆湖南望壯源將軍賴信討平
忠常擒之慨然有賦

南行到鹿島一望水淼漫長風翻白波拍岸岸欲剋
舉首看青螺云是總州山緬懷源將軍此地將貔虎
欲濟無舟楫何以平狡虜狡虜學乃叔憑陵亂邊圉

忍盧云無限
低徊無限感
慨

平公徂誓師三歲空舞羽將軍實雄豪氣吞萬貔
一鞭直絕水狡虜失險阻悠悠八百年何處公濟所
感慨懷英風買舟空弔古悲歌歌未就伊軋數聲艣
乃叔將門也

北遊至勿來關誦八幡公山櫻歌詠想像其英
風因賦焉

五世忠勲家又見真將軍意氣蓋八洲叱咤生風雲
皇威漸陵遲遼疆亦多事吐此犬與羊負強迭負嬰
將軍鎮邊藩仗鉞問亂原西風驅黃落颯颯鳴橐鞬
白露夜濕旆殘月曙傳柝壯士心飛騰殺氣暗絕漠

樓園云往年
遊此地登覽
古蹟欽想英
風今誦斯篇
不覺軒昂節
歎
楓灣云詞壇
之上繼芳勳
者李卿亦其
人乎

亂鴻驅虜伏六郡皆震驚草木總旆幟風鶴亦鼓聲
一舉殲群頑頓立不世烈神兵纜一動四海妖氛絕
治亂反覆間呼吸關成虧崎嶇本為國何問公與私
我來勿來關春光正爛熳願公戎馬間歌詠何璀璨
韜戈二百歲邊塞弭風塵不知詞壇上何人繼芳勳

小松內府塔

水戶城西數里有小松寺平氏之滅其臣貞能竊
負內府骨來伏於此故有公塔塔旁又有貞能墓
數雁橫遠天萬里秋色霽飄然出郊坳來訪小松寺
寺門何深巖古木鬱幽邃山上有古塔下埋平公軀

忍廬云源平之事當以斯詩為定案

回首憶往事感愴橫涕泗嗟公生叔季一身當重寄
何事放庖子九族竟犇躓人尤公失著予謂是公意
興衰有。天。數。人。力。庸。可。冀。鬼。武。負。智。力。慘。毒。及。乳。釋。
蓋。棺。土。未。乾。子。孫。無。所。庇。請。看。平。公。後。聯。綿。還。昌。熾。
貞能預知此千里負公骸靈魄托此地潛伏待時至
我來吊忠魂欲語千載事魂兮招不來蕭蕭落葉墜
庖子指鏹倉公公之不死內府之力也

佐竹秀義故壘

治承中冠者秀義據金沙山拒源賴朝賴朝遣諸
將攻之不利已而叔父義弘有異心為敵內應城

遂陷

長林氣莽蒼修壑紛參互陟嶺景屢變俯崖目頻注
山頂有古祠祠下坦可步踞巖瞰平野川雲自翔翥
冠者亦雄豪此地曾割據敢將一旅衆能敵八州賦
於今餘陣趾威風足欣慕叔也本陰險反戈致大誤
千年遺真在山雨洗難去俯仰古情多杖策暫迴駐
殘陽忽倒射不覺四山暮

本多重次墓

重次墓在下總相馬郡井野邑宅趾亦存井野則
其采邑也墓上有雙松高百尺矯然可敬

案重次始居土

總小原邑後
移居此去

脩路訪荒阡，高松何矗矗。古人托幽宮，四時柯葉綠。
憶昔龍鬪日，諤諤當均軸。遭事皆崢嶸，磊磊驚群目。
末俗口含蜜，鱗甲實在腹。偉茲夜叉公，外猛內清淑。
直立無支蔓，宛似千丈木。墓下供溪毛，聊擬登薦肅。
樵採雖或絕，荒苔亦可刷。誰能構祠宇，春秋脩奠祝。
稱揚發潛光，顛振澆漓俗。

題本多中書圖

頭戴鹿角盔，手提蜻蜒槍。立馬臨流水，英姿凜秋霜。
知是龍泉後，眼中無猿郎。一旅抗十萬，義勇冠扶桑。

忍盧云英法
雄偉如侯為
又

曾聞侯在陣，人賴如鐵壁。百戰無癥瘕，一顧驚勁敵。
況臨艱險地，屢振老成策。翊贊冠多士，屹為邦柱石。
霸主夙傾倒，廣座極稱揚。奈何片言重，欲收三世良。
侯言實凜凜，驚破老將腸。知君鐵槍利，不及志氣剛。

晃山神廟

風塵傾洞日，殺氣溢彼蒼。不有真人出，誰知區宇清。
輿望歸將種，名胄本天潢。積德過三世，累仁致百祥。
祥馳驅皆肅闕，心膂亦鷹揚。屈節容忠直，撫孤護典常。
常雄豪爭搏噬，先後遞興亡。蠖屈遵時晦，豹韜見策良。
良五方均翊戴，一顧掃橈槍。蒸庶免魚肉，悃誠感帝帟。

樓園云莊重
典雅益效孝

杜昭陵之作
忍靈云排批
典整殊見氣
力雄建
楓灣云與歷
壯宏排偶無
浪較之佩弦
翁謁義公
廟作應不多
讓

讀史齋詩
附錄
狼止戈觀聖武經世仰文章上將仍寵錫下民共仰
望吐哺常待士入謁實尊王社賴過劉集業由貽
厥昌閔宮依勝地瑞靄滿神鄉碧水環層麓霽曦照
畫梁澗溪含秀色草木發幽香結構元崧峻丹青亦
炫煌拜趨思遺烈躑躅感中腸臣亦沐恩者賦詩空
激昂

姪延年校

六朝盛唐諸家詠史多但叙其事耳晚唐至宋則專
主議論今讀李卿所作併叙事議論而發之筆力健
舉可以當一部史論矣

安政乙卯維夏梭園散人森蔚書于珂水寓居

季卿詞伯讀史雜詠一百首辭意精到光焰逼人應
與嚴海珊明史雜詠賴山陽日本樂府對壘而無愧
色矣
楓灣居士滕貞松贊評

季卿世以史學名家今詠古今之人物至一百首可
謂勤矣且其有所見而作詞義極可觀間有不尔者
盖篇什之多乃至此也然所舉英雄豪傑是季卿得

意之人故詩亦多得意之作要其典雅宏壯有少陵之風致

石河明善安評

中唐而還詠史之作皆本義山樊川競巧於律絕之間焉耳斯集特以五古出之季卿之意其在太冲淵明之際者歟

枕山居士厚安評

王勣今詩才情亦壯壯如車輪而能之華以卦
六時風雨雷聲文以出其車車車車至宋洪專

讀史雜詠跋

余嘗每讀近時諸家集鈔其係詠古之作者一集之中不過寥寥數篇而已至閱蛻巖集則載詠古雜詩十首風格高雅議論俊爽蓋鍊中錚錚者逮賴山陽興以詠古擅聲集中殆居其半而極思研推多援漢典觀得失乎影中一時稱為破天荒手矣余友青山季卿家世精於史學是以洞悉乎歷朝人物之賢愚奸泚每有所感振以五言往體評論之叙功罪於藻致璀璨之上寓褒懲于韻調鏗鏘之間蓋其淵軼之思組織之才別出機軸不寄人籬下者使山陽在世

言史雜言
當讓一頭地於季卿也。屬者編其詩為二卷，寄跡屬評。余固惜情史乘，謾贅數筆歸之。

旃蒙亶安南呂月

忍廬友部熙拜識

跋

余嘗謂本藩修大日本史也。當時史才不乏其人，學識文章各擅其長，刪述粗全，然而其所據實錄外，不過偏紀瑣言，而英弼良將，名聲轟世者，觀其傳，乃或斷爛凋略，首尾不能全，蓋載籍疏缺，事實無徵，雖大手筆，亦末如之何。而後儒討論，不無所發明，亦唯無古書可援，不獲載之傳中，而本史不徠論贊於義，雖當而治亂盛衰之所由，人物感否，行事得失，不能一讀了然，豈不遺憾哉！鐵槍子於史學夙承家範，發明匪尠，曾入史局，與修志表，而

以其餘力詠古今人物以爲是卷賢豪英傑之迹
忠孝貞烈之事每篇首必舉其槩略焉其遣辭也
縱橫馳騫所謂斷爛滄略者彼此相證以發其義
而風調溫雅者可以當傳贊也義理明確者可以
備史論也於是人物臧否行事得失殆乎了然非
邃於史學者其孰能之至乎詩之巧拙所未及論
也

慶應紀元乙丑十月之吉

津田信存拜撰

手冢正直書


季卿弟多而讀書嘗有元旦作曰十歲都
如夢今朝屈指空先子誦之喜曰多作如
此足以繼箕裘矣季卿稍長涉獵歷史比
及十七八既通十七史隨讀隨筆因曰
讀史偶筆爾後頗究國史而欲有所論著
然伯氏專力史學既有成編竊所措手季
卿於是乎別出手眼詠懷古今標史論之
所未及以爲讀史者之一助也凡事之沈

滯鬱抑者務暢其情其情之曖昧不明者
 務雪其冤盖以溫柔敦厚之旨歸之微顯
 闡幽出義而其刻苦亦可想矣此編之成
 先子沒既十年惟其僅見少位而不及見
 此編耳伯氏之叙事李卿之誣史並行而
 不相悖則其表之業庶乎不墜也今茲慶
 應乙丑杪冬剞劂將終乃書以為跋

李卿... 佐二木重之并卿識



田中... 藏

 Tanaka

